

X X X

Kažkumet bēngsēs mōna. Ēr mūsa.  
Vardā kap lītos stēklo nobiegs.  
Aš nebibūsio, to nebibūsi...  
Vedomš pasaulis būs omžēns. Kap nieks.

Omžēns kap vēskas. Džiaugsīs a kriuoksi,  
Nikumet niekam kētēp nebūs.  
Nuors nebovēma ēr neēšmuoksi –  
Beregint šērdēs gīvībēs prēplūst,

Ēr po mēnotas, ēr po sekundēs  
Ēš vēsuos sīluos viel kabēnīs –  
Kou tik pametēs, tujau pat rondi...  
Akis par zelkuorio slīstēnā slīst –

Neožkliūn raukšlēs, retē, ni znuokā,  
Katrū – kap slēnkstie – spierē daugie.  
Ruodos, ka sāvēs dā neēšmuokā...  
Vo rasint tuo sāvēs nedaug ēr bie?..

Dabā ir čiesos, katras no dākta  
Vēsos lig gāla tāva. Tik tau.  
Paskiau būs doru... Tiktā be raktu.  
Ož anū nieks jau parētont neblauks.